

Ing.Dennis Ecury:

“Mi welo tabata un homber masha organizá y correcto mes”

ORANJESTAD-“Den cas di mi tata no tin lugá pa un traidor”. E frase famoso aki a wordo expresá dor di nos héroe Boy Ecury durante e segunda guerra mundial.

Awe e cas di Dundun Ecury, q.e.p.d., ta den un deterioro formal. E cas di tata di Boy Ecury ta wordo bishitá constantemente dor di chollernan cu ta usa e lugá pa haci nan fechorianan. Di e manera aki e herencia cultural aki ta bayendo perdí mas y mas. A cuminzá cu construccin di e cas den Schelpstraat den siglo pasá dor di e tata di Dundun Ecury y na cuminzamento di e siglo aki el a compra e cas y tur e terreno rond di dje y a concluí e cas na 1924. Un mansion, cu antes tabata un cas di respet, ta awe den un decadencia y cu dolor na nan curazón famia Ecury ta mira esaki sosodé. Nan a haci un apelacion na gobierno pa compra e cas pa restaurá esaki y hacié un museo. Nan ta den deliberacion cu gobierno, pero esaki ta durando bastante y mientrastanto e cas ta wordo kibrá cada dia mas pa e chollernan.

Nos a papia cu nieto di Dundun Ecury, Ing. Dennis Ecury, kende a duna nos un recorrido den e cas. Nos mes por a mira con e estado di e cas

ta y mientras cu nos ta canando cu Dennis dor di e cas, chollernan ta cana drenta den e lugá sin tene cuenta mes cu nos.

BDA: Desde ki tempo e cas aki ta bashi, pues cu ningun hende ta biba mas aden?

Dennis: Mas o menos na 1993. Te e tempo ey mi tata a keda biba den un parti di e cas. Tempo cu mi wela a muri e “yaya” di cas, Carmen Gonzalez, un persona cu a stimami masha hopi mes y cu ami tambe a stima mes hopi, a keda biba den e cas. E no kier a sali. Un persona sumamente dedicá na nos famia. Ta te ora cu nos a mira cu di berdad e no por a biba su so mas el a bai Maristella. Esey tabata na aña 1991. Despues cu mi tata a sali na 1993 e cas a keda completamente bandoná.

BDA: Na 1993, e cas tabata den un mal estado caba?

Dennis: No manera e ta awor. Claro cu e tabata mester di mantencion, pero e cas no tabata den e mal estado cu e ta awe. Ta den e último 4 pa 5 lunanan e cas a bai asina tanto atras.

BDA: Kiko ta e intencion awor cu e cas?

Dennis: Lagami cuminzá na

bisa cu e cas ta mucho grandi pa un famia so biba aden. E famianan di awendia no ta manera e famianan di antes cu hopi jiu. Nos ta den deliberacion



cu gobierno pa nan compra e cas. Gobierno kier compra e

cas, restauré y haci un museo di dje. Manera bo por a mira aden ya exposicion a wordo teni caba den e cas.

BDA: Si mi ta comprondé bon, e intencion di gobierno ta pa haci di e cas un museo. Na e momentonan aki tin parti ainda di e cas cu ta wordo usá, manera e oficina chikito dilanti y na banda e fruteria. Kiko ta bai pasa cu esakinan?

Dennis: Na cierto momento, ora e compra tuma lugá, e cas y su edificionan mester wordo entregá bashi. Patras tin apartamentonan cu ta pertenencé na e cas, cu tambe mester wordo “ontruimd”.

BDA: E apartamentonan ey ta wordo verhuurd aworaki?

Dennis: Si, na e momentonan aki ta biba hende den nan.

BDA: Den tempo di bo welo caba e apartamentonan aki tabata tey?

Dennis: Si. Mi welo tabata un homber cu hopi negoshi y parti di su empleadonan tabata biba den e apartamentonan aki. Mi welo tabata un homber masha organizá y correcto mes.

BDA: Cuanto tempo caba boso tin den deliberacion cu gobierno?

Dennis: Mi omo ta e persona cu ta negociando cu gobierno, pesey mi no por contestabo e pregunta aki. Mi sa si cu e deliberacionnan aki ta andando pa basta tempo caba si.

BDA: Gobierno ta interesá?

Dennis: Si. Di nos banda e intencion tey pa bende y di nan banda e intencion tey pa compra. Mi no por bisabo na unda e asunto di e compra y e benta ta pegá.


BDA: Di cuanto placa nos ta papia aki?

BDA: Ki sorto di negoshi bo welo tabatin?

Dennis: Tur sorto di negoshi. Mi welo tabatin un garashi dilanti di dump cu tabata yama “Ecury Motors”. E caminda ey antes tabata e caminda di Playa pa San Nicolas. Mi welo tabata agente di Ford. E tabatin su mesun gasolin station. Unda tabata “Rock & Roll Boutique” den caya grandi mi welo tabatin un tienda na unda tur sorto di articulo tabata wordo bendi, manera bicicleta, mulina pa awa, weya etc. etc.

BDA: E pareha Ecury a haya dieztres jiu. Dieztres jiu cu a crece y a lanta bira homber y muhernan den e cas ey. Mi tambe ta bin di un

Dennis: Miyones. No ta solamente e cas, pero tambe e terreno cu ta “eigendomsgrond”.



famia di dieztres ruman y ami mescos cu mi rumannan ta warda grato recuerdonan di nos infancia y hubentud. Hopi di e recuerdo bunitanan aki ta relacioná cu nos cas fraternal. No por ta otro cu ora nan mira e cas den e estado cu e ta aworaki e ta duel nan.

Dennis: Pa cuminzá tin hopi di nan cu ya a bai laga nos caba. Mayoría di e otro nan ta biba afó. Ora cu nan bin Aruba, nan ta bin wak e cas. Pami ta un dolor inmenso ora mi mira estado di e cas, imaginabo pa nan.

BDA: Si mayan bin un hende cu hopi placa y e ta ofrecé pa compra e cas. Esaki ta posibel?

Dennis: E cas y e terreno rond di dje ta na venta. Pero mi mester remarcá si cu nos tin e palabracin cu gobierno cu nan lo compra e cas.

BDA: Ultimo tempo e cas ta hayando masha hopi bishita mes di chollernan. Bo ta kere cu esaki ta relacioná cu e hecho cu den e cas den Wilhelminastraat nan a wordo alehá?

Dennis: Semper bai tabatin chollernan cu tabata bin den e cas, pero e tabata controlabel. Awor ta asina cu enberdad cu desde nan a sera e cas den Wilhelminastraat mas y mas nan ta bin aki den. Dor di e droga cu nan ta usa, nan no tin gevoel mas pa loke nan ta haci. Pa nan e cas aki no ta algo histórico, pero un lugá na unda nan por bin pa drumi y usa nan droga. Nan ta kibra e lugá y esaki ta masha tristo mes. Mi ta laga hasta un kranchi cu nan por haci uso di dje.



Tur dia tin choller aki den. No ta asina cu nos ta descuidá, pasobra nos tin tur porta y tur bentana na candal, pero ora cu nan no por drenta dor di e porta of bentananan nan ta kibra e lugá cu piedra. E ta masha frustrante mes. Mi welo tabata un persona masha correcto mes y ta duelmi di mira con awe bagamundonan ta mancha su cas.

BDA: Boso nunca a pensa pa laga un compania di security cuida e lugá?

Dennis: Nos tabatin un security guard cu tabata cuida e lugá, pero el a renunciá. E di cu e tin un seguro di bida, pero tambe e tin un famia.

BDA: Boso ta kere cu e chollernan ta peligroso?

Dennis: Nos no solamente ta



kere esaki, pero nos ta convenci cu nan ta peligroso. E caminda legal pa cana pa combati e presencia di e chollernan den e cas ta un caminda masha largo mes. Un biaha tabatin un pelea den e cas entre e chollernan y ora mi a yama polis nan a reaccioná masha straño mes.

Asina un polis femenino a contestami ora mi a puntré kiko mi mester haci cu e chollernan “Si bo kier, brother abo ta hiba nan bo cas, pasobra ami lo no hiba nan na esun dimi”. Si polis ta contestami asina, kiko mas ami por haci? E ta frustrante, pero e ta e realidad. □